

Alkitab Buat Bocah
Nampilin



Ratu Ester
nyeng Cakep



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Ada seorang anak gadis nyeng cakep namanya Ester. Waktu bapa ama emaknya mati, Ester dirawat encangnya nyeng namanya Mordekhai. Ester hormat banget ama encangnya dan nurut jadi seorang anak perempuan nyeng bae buat encangnya.






Ester tinggal di Persia. Tapi Ester bukan bocah Persia. Dia orang Yahudi. Nene leluhurnya dateng ke Persia sebagai tawanan perang. Waktu Ester idup, banyak orang Yahudi nyeng tinggal netep di Persia.



Raja Persia ngadain pesta
buat para penggede dari
seluruh dunia.



Nyeng laki-laki
makannya misah
ama nyeng
perempuan nyeng
juga dijamu ama
Ratu Wasti. Sang
raja nyeng lagi
mabok nyuruh
Ratu Wasti
supaya make
mahkota kerajaan
biar keliatan
cakepnya. Ratu
Wasti nolak.



Buat nunjukkin kalo perempuan kudu ngehormatin laki mereka, sang raja ngesahin undang-undang buat ngambil mahkota dari Ratu Wasti. Dia kaga bakalan jadi seorang ratu lagi.



Pencarian diadain
buat ngedapetin ratu
nyeng baru. Keluarlah
semua perempuan cakep
nyeng ada dalem kerajaan
itu, raja nunjuk Ester jadi
bininya. Dia ngasih
mahkota kerajaan itu di
atas palanya. Ester kaga
bilang kalo dia orang
Yahudi sebab encangnya
nyeng minta supaya kaga
ngasih tau soal itu.




Encang Mordekhai ngabisin waktunya dengan duduk di pintu gerbang istana biar bisa tau berita




soal Ester. Satu ari dia ngedenger kalo ada dua orang pembantu nyeng punya niat buat matiin sang raja. Mordekhai ngirim peringatan buat nyelametin idup sang raja. Pembantu-pembantu itu digantung, lantas nama Mordekhai dicatet dalem kitab sejarah raja.



Orang nyeng kedua dalem pemerentahan sang raja adalah orang kaya nyeng namanya Haman. Semua orang pada tunduk nyembah Haman kalo dia liwat. Semua orang, kecuali satu orang, Sebagei orang Yahudi, Mordekhai cuman nyembah Tuhan nyeng idup.



Haman benci banget sama Mordekhai, dia mutusin buat matiin Mordekhai ama semua orang Yahudi nyeng ada di Persia. Bener-bener bikin ketakutan! Si jahat Haman ngatur siasat biar sang raja nandatangani satu undang-undang nyeng kalo pada satu saat nyeng ditentukan tiap orang Yahudi di kerajaan itu bakalan dimatiin.







Itu hukum nyeng bikin ngeri. Bikin kedua bangsa itu, bangsa Yahudi ama Persia dukacita. Tapi inget, Tuhan ngejadiin Ester ratu. Dia orang Yahudi. Apa dia bakalan ngumpetin rahasianya dari sang raja? Atawa dia bakal ngambil risiko ngadepin kematian ama nyoba buat nyelametin bangsanya?



Tuhan ngasih gagasan nyeng jitu kepada Ester.
Dia ngundang sang raja dan Haman untuk keriyaan.
Di keriyaan itu raja ngejanjin apa aja nyeng
dimintanya. "...dateng juga disitu raja dan Haman
pada suguhan makanan...besok," Ester ngejawab.
Lantas dia bakalan bilang ama raja apa aja nyeng ia
pengen.



Sesaat, Haman nyiapin
sebuah tiang gantungan
buat ngegantung
Mordekhai.



Malem itu sang raja kaga bisa tidur. Dibacain sebuah kitab catetan sejarah dia ngeliat kalo

Mordekhai itu pernah nyelametin idupnya. Pagi arinya, sang raja nanya ama Haman, "Apa nyeng kudu dibuat kepada orang nyeng raja bener-bener ngehormatin dia?"

Haman begitu girang. Dia piker kalo orang nyeng dimaksud oleh sang raja itu dia!






Haman dateng dengan tujuan minta ijin sang raja buat ngegantung Mordekhai. Tiang gantungan udah siap. Ini wayahnya bisa nunggu. Dengan semangat, Haman ngasih pakean-pakean nyeng biasanya dipake raja dewek ama mahkota.





"Cepetan ambil pakean ama kuda itu, suruh seorang pembesar ngarak dia ngeliatin lapangan kota," "Kerjain nyeng kaya gitu buat Mordekhai." Perintah raja kepada Haman.




Kalo pendapat lu, gimana atinya Haman waktu dia ngarak Mordekhai dalem penghormatan muterin kota? Sekarang dia benci banget ama Mordekhai dari pada kaya sebelumnya. "Tungguin aja,"

kira-kira pikiran Haman kaya gitu. "Dia bakalan modar, bareng

ama semua orang Yahudi nyeng laen."



Saat ari udah mulain sore, Haman ama sang raja nyampe ke acara keriyaan nyeng diadain Ratu Ester. Apa sih kepengenanmu?" raja nanya. Dia kaga bisa lupa ama janjinya. Sambil nunjuk Haman, Ratu Ester bilang ama raja semua niat jahat Haman. "Gantung dia!" perintah raja.



Lantas raja ngesahin hukum laen nyeng ngijinin orang Yahudi buat ngejaga diri mereka sendiri. Mereka selamat! Mordekhai jadi orang kedua di bawah raja dan semua orang Yahudi girang dan pada ngirim hadiah. Sampe ari ini, orang Yahudi inget pegimana Tuhan nyelametin mereka liwat Ratu Ester nyeng cakep.



Ratu Ester nyeng Cakep

Sebuah cerita dari perkataannya Tuhan, Alkitab

Ditemuin di

Ester

"Palang pintu Firman Engkau ngasih terang."

Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

